

SARS E ITLAMA GO HLOHLOMIŠA TSHEPETŠO YA KWANO YA SEKOLOTO SA MOTŠHELO

Tshwane, 30 Lewedi 2025 — Ditirelo tša Motšhelo tša Afrika Borwa (SARS) di dula di ikemišeditše go thuša balefela motšhelo go phethagatša boitlamo bja bona bja semolao. Balefela motšhelo bao ba kolotago sekoloto sa motšhelo ba ka hwetša go le boima go lefela dikoloto tša bona ka lebaka la ditlhohlo tša ditšhelete. SARS e na le mekgwa ya go fapana ya go koleka sekoloto seo se šaletšego morago. Go utulla morero wo go ya pele, SARS e kopane le Ditho tša Taolo tša go Tsebega (RCBs) go lebelela ditsela tša go fapana tšeo balefela motšhelo ba ka thušwago go lefela dikoloto tša bona tšeo di lebanego mmušo.

Kopanong ye, maloko a rerišane ka dipeelo tša Kwano ya Sekoloto bjale ka ge e laeditšwe go Karolo ya D ya Molao wa Taolo ya Motšhelo, yeo e ka lebelelwago ka fase ga maemo a itšeng. Re dumelelane le Ditho tša Taolo tša go Tsebegago hloma Tshepetšo ya Sekoloto sa Motšhelo seo se Hlohlomišitšwego. Ye ke karolo ya kakaretšo ya tsepanyo le boitlamo magareng ga SARS le Ditho tša Taolo tša go Tsebega go hwetša tsela ya go hwetša sekoloto ka lebelo go ya ka dipeelo tša Molao wa Taolo ya Motšhelo Tshepetšo yeo e tlwaelegilego ya kwano ya sekoloto e dula e le gona go balefela motšhelo ka moka.

SARS e tlo diriša malebiša a seo e ithutilego sona a tshepetšo ya potlako ya kwano go kaonafatša tshepetšo ya kwano go hola balefela motšhelo ka moka. Go na le ntlha e tee ya tirelo yeo e tlo dirišwago bakeng sa dikgopelo go tloga ka Mošupologo, wa la, 13 Diphallane 2025. Le ge tshepetšo ye ya kwano ya sekoloto e tlo thoma ka Ditho tša Taolo tša go Tsebega, go ya le dipolelo, SARS e ka e lebelediša bakeng sa balefela motšhelo ka moka.

SARS e tla phatlalatša tshepetšo ye ya hlohlomišo ya tshepetšo ya kwano ya sekoloto gohle, gomme e tlo mema Ditho tša Taolo tša go Tsebega go dirišanammogo go dithuto tša lesolo la mohuta wo, diwebinara, le dipolelišano tša tebanyo go nolofatša tshepetšo ya phatlalatšo ka kwešišo.

Tše bohlokwa ka boitšhimolliši bjo

- a) Tshepetšo ye e hlohlomišitšwego ya kwano e e ama dikoloto tša motšhelo tšeo di se nago dingangišano tša go feta dikgwedi tše 12.
- b) Ditheo tšeo gabjale di lego kgatong ya mafelelo ya go fediša boingwadišo le CIPC, tšeo di lego ka gare ga dinyakišišo, le tšeo di lego ka fase ga phološo ya kgwebo ga di amege.
- c) Dikgopelo ka moka di swanetše go fana ka ditokumente ka moka tša thekgo tšeo di amegago le dikgopelo tša bona.

- d) Ditsebi tša motšhelo tšeo di ngwadišitšego le Ditho tša Taolo tša go Tsebega di ka eletša bareki ba balefela motšhelo ka ga dinyakwa tša kwano ya sekoloto, go akaretša ditokumente tša thekgo tšeo di nyakegago go ya le Karolo ya D ya Kgaolo ya 14 ya Molao wa Taolo ya Motšhelo.
- e) SARS e itlama go rarolla dikgopelo tšeo di khwalifayago mo dibekeng tše nne, ka phethagalo ya dihlopha le taolo ya kelelo ya mošomo yeo e kaonafaditšwego.
- f) Balefela motšhelo bao ba dulago ba sa obamele le bao e sego karolo ya tshepetšo ya kwano, SARS e tlo boela go magato ao a tlwaelegilego a tiišetšo ya molao kgatlhanong le balefela motšhelo bao ba sa obamelego. Go dira gore go se obamele go thatafale gape go lefišwe palo ya godimo, tiišetšo e bjalo ya molao e tlo akaretša ditaello tša kgorotsheko tša kahlolo.

Dikaonafatšo tša Ditirišo le Sethekenike

Dihlopha tšeo di ikgafetšego le ditlabelo tša sethekeniki, go akaretša mekgwatšhomo ya dipeakanyo tša kopano ka onelaene tša ditsebi tša motšhelo, di thomile go šoma go thekga tshepetšo le go rarolla ditlhohlo tša tirišo.

Magato a go tatelelišo a SARS le Ditho tša Taolo tša go Tsebega

Go ya ka ditherišano tšeo di dirilwego le SARS, Ditho tša Taolo tša go Tsebega e tlo hlatholla dinyakwa tša tshepetšo ya kwano e hlohlomišitšwego le go thuša gore e sepele ka thelelo.

Go hwetša tshedimošo enngwe, ka kgopelo ikgakaganye le SARSMedia@sars.gov.za.